

Broj: 06-11-246-1/2024-R-2-9
Sarajevo, 09.12.2024. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, br.: 39/14, 59/22 i 50/24), a na prijedlog stalne Komisije za provođenje postupaka javne nabavke roba, usluga i radova, imenovana Rješenjem, broj: 08-30-198/2024 od 30.01.2024. godine, sekretar Vlade Federacije Bosne i Hercegovine, d o n o s i

O D L U K U
O IZBORU NAJPOVOLJNIJEG PONUĐAČA ZA JAVNU NABAVKU ROBA –
NABAVKA TEČNIH GORIVA ZA SLUŽBENA MOTORNA VOZILA ZA POTREBE GENERALNOG
SEKRETARIJATA VLADE FEDERACIJE BOSNE I HERCEGOVINE

I.

U cilju odabira najpovoljnijeg ponuđača, u provedenom postupku javne nabavke: Konkurentski zahtjev za dostavu ponuda za javnu nabavku roba – nabavka tečnih goriva za službena motorna vozila za potrebe Generalnog sekretarijata Vlade Federacije Bosne i Hercegovine, evidencijski broj nabavke: 06-11-246-1/2024-R-2-1, broj Obavještenja o nabavci sa portala javnih nabavki: 854-7-1-194-3-39/24 od 14.11.2024. godine, Sažetak obavještenja o nabavci objavljen u „Službenom glasniku BiH-Oglasnik javne nabavke“, broj: 80/24, kao najbolje ocijenjena prihvatljiva ponuda je ponuda ponuđača **HIFA d.o.o. Tešanj**, sa ukupnom cijenom ponude sa uračunatim popustom bez PDV-a, nakon provedene e-aukcije, u iznosu **28.725,00 KM**.

II.

Ponuda Ponuđača iz tačke I. ove odluke ocijenjena je prihvatljivom, u skladu sa članom 2. stav (1) tačka I) podtačka 1) Zakona o javnim nabavkama, a u skladu sa kriterijem za dodjelu ugovora Ponuđač je ponudio najnižu cijenu nakon provedene e-aukcije.

III.

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

IV.

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine - Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak nabavke pokrenut je Odlukom o pokretanju postupka javne nabavke, broj: 06-11-246-1/2024-R-2 od 11.11.2024. godine. Javna nabavka provedena je putem Konkurentskog zahtjeva za dostavu ponuda. Ukupna procijenjena vrijednost nabavke iznosila je 32.950,00 KM bez PDV-a. Obavijest o nabavci poslana je na objavu 14.11.2024. godine, te je istog dana objavljena na portalu Javnih nabavki pod brojem: 854-7-1-194-3-39/24, a Sažetak obavještenja o nabavci objavljen je u „Službenom glasniku BiH-Oglasnik javne nabavke“, broj: 80/24.

Tendersku dokumentaciju preuzelo je 11 (jedanaest) privrednih subjekata, a 4 (četiri) ponuđača dostavila su ponude u predmetnom postupku nabavke. Sve ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: GREEN OIL d.o.o., BUCOMERC d.o.o. Kiseljak, HOLDINA d.o.o. Sarajevo i HIFA d.o.o. Tešanj.

Stalna Komisija za provođenje postupaka javne nabavke roba, usluga i radova, imenovana Rješenjem, broj: 08-30-198/2024 od 30.01.2024. godine, izvršila je pregled i ocjenu ponuda, te konstatovala da su, od ukupno 4 (četiri) dostavljene ponude, prihvatljive 2 (dvije) i to ponude ponuđača: HOLDINA d.o.o. Sarajevo i HIFA d.o.o. Tešanj, dok je 1 (jedna) neprihvatljiva i nepravilna i to ponuda ponuđača GREEN OIL d.o.o., a 1 (jedna) neprihvatljiva i to ponuda ponuđača BUCOMERC d.o.o. Kiseljak.

Ponuda ponuđača GREEN OIL d.o.o. ocijenjena je neprihvatljivom i nepravilnom iz sljedećih razloga:

- *1 i *2 U Aneksu 3 Obrazac za cijenu ponude - robe Tenderske dokumentacije, u dijelu Napomene pod rednim brojem 1. propisano je: *“Pod pojmom cijena podrazumijeva se važeća cijena goriva, na dan predaje ponude, odobrena za ponuđača od strane Federalnog ministarstva trgovine, što ponuđač dokazuje ovjerenim Obrascem o promjeni cijena (OPC) za benzinske pumpe na području Kantona Sarajevo.”* Pregledom Ponude, konstatovano je da Ponuđač nije u navedeni Obrazac upisao važeću cijenu goriva iz OPC obrasca za Euro 5 dizel (standard: BAS EN 590 10ppm).

- *3 i *4 U tački 14. Tenderske dokumentacije, u dijelu Napomena, navedeno je da svi Aneksi osim Aneksa 1 moraju biti sastavni dio ponude. Pregledom Ponude, konstatovano je da Aneks 8 ne odgovara sadržaju Aneksa 8 propisanog Tenderskom dokumentacijom. Također je konstatovano da je u Ponudi pod oznakom Aneks 8 dostavljen nepopunjen dio sadržaja propisanog Aneksa 9 - Nacrt okvirnog sporazuma.

- *5 i *6 U tački 3.4. Tehnička i profesionalna sposobnost Tenderske dokumentacije, u dijelu Dokazi koji se zahtijevaju propisano je:

- *Izjava ponuđača (ovjerena i potpisana) da posjeduje minimalno dvije benzinske pumpe na području Kantona Sarajevo, sa spiskom benzinskih pumpi na području Bosne i Hercegovine;*

- *Uvjerenje o usklađenosti tačnih naftnih goriva izdata od certificiranog organa za kontrolu kvalitete goriva u skladu sa važećim propisima. Datum izdavanja Uvjerenja ne smije biti stariji od 30 dana od dana predaje ponude.* Pregledom Ponude, konstatovano je da ponuđač nije dostavio Izjavu sa spiskom benzinskih pumpi na području Bosne i Hercegovine. Pregledom Ponude konstatovano je da je datum izdavanja uvjerenja o usklađenosti tačnih naftnih goriva (11.10.2024. godine) stariji od 30 dana od dana predaje ponude.

Ponuda ponuđača BUCOMERC d.o.o. Kiseljak ocijenjena je neprihvatljivom iz sljedećeg razloga:

U Tenderskoj dokumentaciji, Poglavlje 3. USLOVI ZA UČEŠĆE I POTREBNI DOKAZI, tačka 3.3., između ostalog, propisano je: *„Dokazi koji se zahtijevaju: Potvrda poslovne banke o solventnosti ponuđača, odnosno da u proteklih 12 (dvanaest mjeseci), uključujući i datum objavljivanja Obavještenja o nabavci (14.11.2024. godine), transakcijski račun ponuđača nije bio blokiran...”*. Ponuđač BUCOMERC d.o.o. Kiseljak dostavio je Potvrdu o solventnosti transakcijskog računa kod Raiffeisen Bank dd BiH, Glavna Filijala Sarajevo, broj: 03813/24 od 14.10.2024. godine, Potvrdu o solventnosti, broj: 112601-870/24 od 14.10.2024. godine, izdatu od NLB Banke d.d. Sarajevo i Potvrdu od 14.10.2024. godine, izdatu od Intesa Sanpaolo Banke BiH. Dostavljene potvrde nisu u skladu sa traženim dokazom iz Tenderske dokumentacije odnosno potvrde su izdate 14.10.2024. godine i iste ne uključuju datum objavljivanja Obavještenja o nabavci (14.11.2024. godine).

U skladu sa Pravilnikom o uslovima i načinu korištenja e-aukcije („Službeni glasnik BiH“, broj: 80/23) provedena je e-aukcija dana 06.12.2024. godine, sa početkom u 11.00 sati, za javnu nabavku roba – nabavka tečnih goriva za službena motorna vozila.

Nakon provedene e-aukcije, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-11-246-1/2024-R-2-8 od 06.12.2024. godine i Preporuku o izboru najpovoljnijeg ponuđača HIFA d.o.o. Tešanj, sa registriranim sjedištem u Tešnju, ID broj: 4218015000007 za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke svaki od ponuđača koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.

Dostaviti:

1. Svim ponuđačima u postupku
2. Komisiji za javne nabavke
3. Sektoru za pravne i opće poslove
4. Sektoru za materijalno-finansijske poslove



SEKRETAR VLADE

[Signature]
dr.sci. Edita Kalajdžić